



文帝全書

卷七之卷九
大洞經示讀註釋

ハ 6
190
6



和
190
卷 6



文帝全書內函卷七之九

目錄

文帝原序

馬魁神序

七卷大洞經示讀上

序經章第一

序事章第二

序理章第三

序源章第四

目錄

詳源章第五

入門章第六

求道章第七

守道章第八

八卷大洞經示讀中

序經章第九

保元章第十

明玄章第十一

通微首章第十二

通微二章第十三

通微三章第十四

度厄章第十五

明洞章第十六

九卷大洞經示讀下

序經章第十七

通明章第十八

還元章第十九

化幽首章第二十

化幽二章第二十一

化幽三章第二十二

化幽四章第二十三

結經章第二十四

大洞經總義

示蒙偶吟二十五首

大洞經示讀三卷。文昌帝君降正章目。斗口魁神馬天君降註。都江通守滇人董良材傳筆。

文帝全書內函卷七

大洞經原序

大凡事之有其究竟者。必有其原來。如洞經一書。人但知為吾學道之書。而不知乃吾叙述之書也。人但知三十六章之自守。而不知三十六章之訛複也。吾久欲定正。惜未得人。即有其人。始似勤恆。繼謂虛渺。或半途而廢者有之。或已成而疑訾者有之。嗚呼。人多若此。吾何望焉。

本朝大吾道之化者。惟長洲彭氏。即一菴先生。瓏南發。

其源。且始終之勤。勤弗懈。不可不謂爲誠篤者也。雍正五年冬。有符圖司教金本存。疏呈洞經原由。乃稱久欲欽依玄範。刻志修持。深苦傳本互異。實難遵守。懇恩敕仙定正詳註。以便刊傳。以廣大化。閱之適契吾心。且喜本存之勤恒也。因敕某仙與某人爲師。令其註明傳世。不期某生視爲可有可無。經年於茲。功無十一。其中雖有頗可取之人。請師解註。而諸仙亦止依諸傳本爲之訓詁。凡章句之訛複。與夫洞經之原來究竟。卒未之言也。吾苟不親爲詳本末。定章次。正字句。則本存之捧誦。

刊刻。不惟徒費心力。而且以訛傳訛。貽誤來茲。將莫知其底止矣。然吾欲親正。究難得人。幸天道不終剝。剝極而復。人心無悉困。困中有亨。本存而外。復有華如琪其人者。矢志投誠。皈依吾化。吾見其年雖少。其信頗專。爰命代吾傳筆。定正字句之重誤。序解章目之始末。自序經以至結經。共二十四章。皆述吾成己之始。成物之終者。今一一爲之揭示。如每章皆有元始天王曰之句。以人看之。似卽吾師所授之玉經。而不知乃吾得道之後。復蒙吾師授以蒼胡頡寶珠。其珠光煥爲彩雲。結成此。

經皆序吾入門求道保元。以至成道度厄化幽。悉由吾師授以玉經。而得以造夫太玄也。其必冠以此五字者。又吾於珠光所結經文之上。加之以誌不忘本之意。至吾師所授之玉經。自吾得道後。吾師復祕於大洞矣。其傳世者。卽此經也。夫此經自太玄受後。歷虞夏商周。暨漢唐宋。而迄於今。屢經興廢。其得不迹熄而存者。諒多記傳鈔授。故錯訛互異。以至於斯。吾今者因本存之誠。懇華生之信篤。故不厭煩囂。親降校正。俾本存奉此刊傳。以爲定本。庶後之修習者。得其源矣。時雍正六年戊

申五日文昌帝君序於蜀渝永濟壇

大洞經示讀序

文昌帝君蒙元始天王授以大洞玉經。潛心竭力。修持於大洞之中。久而不懈。以至成真證道。其功德皆由於是經也。爾金本存志切修持。心矢誠篤。故感帝君親降。爲之校正定本。爾亦能遵守刊佈。力事誦持。十餘年來。功未少怠。實屬可嘉。昨又疏以玄理幽深。無門可入。哀求詮註。時吾承值帝傍。乃蒙勅令爲之指點。聞命之下。殊深惶慄。蓋大洞仙經。其間文義幽深。詞理玄密。卽上

位仙真亦難窺其妙蘊。况吾輩乎。今既奉命。敢復何辭。但就吾素隨帝君。以侍元始天王之側。竊有聞其萬一之說。謹述之以告。用為讀之之方可也。若曰詮註。則吾豈敢。但願後之學者。就吾之指示。深思研會。涵泳貫通。久漸自徹其微。以悟夫無極之真矣。是集鈔成。當名洞經示讀云爾。時乾隆丙辰長至日斗口魁神馬天君序於黔之大定鱸壇。

文帝全書內函卷七

古鼎劉廣恕

義陵劉體恕無我彙輯

古渝金本存全訂

古鼎劉悟誠

仁和關 槐柱生校定

大洞經示讀註釋上

序經章第一

魁神曰。各章章旨。已蒙帝君降正示明。惟信受奉持可也。至序經三章。不過述帝君受元始天

王傳授洞經之由。及修持之功。用示來茲耳。結經一章。乃言洞經之效。文理明晰。可毋庸註。立契諸章。一如毛詩小柄。以紀帝君修持功驗。以明本章之義。俾崇修者知所從入也。但須篤志勤恆。潛心默悟。自得其意矣。茲亦不必多贅。

道言。昔在龍漢劫初。元始天王出大洞玉經於高上玉清宮。命吾演太玄次玄之道。吾自是勤誦不輟。元始天王見吾求道心誠。遂以太玄之音流響玉清。弘大帝德合一之道。示九統之法。傳九光之符。吾不敢自私。因公

之世。人能誦之。登齋修行。自然萬神歡慶。萬靈護持。萬神感格。萬仙翕臨。可以飛度三災。四煞。五鬼。六害。七傷。八難。九厄。十惡。立望登仙。入聖。不待有所作為。而自無不為也。苟不誦之。由是善念泯滅。惡念日增。何以登仙入聖乎。有能弘施無窮功德。廣刻大洞經文。普施天下。觀望以為典型。則玉帝降鑒。而飛天親迎矣。然不獨可以榮本身。且竝將歷代遠祖。歷劫種親。俱可以超昇而更生矣。世胄接仙。長為貴人。功滿道備。骨肉同昇。乘龍駕雲。上朝玉清。

序事章第二

帝君曰。此章名序事。蓋序吾學道之時。惟誠心不二。直至七炁覺悟。同歸一元。而與吾師元始天王共飛昇於九天也。

元始天王曰。真陽帝賓老

真陽。乃生物祖炁。天地未判之先。一點靈光。無極之真也。主宰之謂帝。賓敬之之意。老尊之之意。

受事會玉皇

受事。受之以事。即常應也。玉貴之之意。皇大也。玉皇

上帝。即吾心之主宰。本然之理是也。會之者。凡事運用於一心。而無不得其主宰之謂。即常靜也。

滅魔除穢尸

魔。情識之魔。滅之。則無意念之雜。穢尸。臭穢之尸。除之。則無形骸之役。

百司詣絳宮

百司。百體各有所司。如耳司聽。目司視之類。詣。至也。絳。紫紅色。絳宮。心宮也。心本赤。故曰絳。

逸宅丹玄內

逸安宅居也。丹紅色陽也。玄黑色陰也。蓋先天陰孕乎陽而陽含於陰中。故見其丹玄之色。

五炁結十方

五炁金木水火土之精炁也。結聚也。四正四隅上下謂之十方。即天地之中也。

七轉司命至

七少陽之數。轉復也。七日來復。陰盡陽生之候。司命至。則天命之理得。

三回召仙公

三純陽之象。回還也。龍降虎伏。金來歸性之時。召呼也。召仙公。則長生之道備。

泰山主鬼者

泰山東嶽主宰也。鬼者陰之靈。泰山居於東方。乃陽氣發生之地。而陽統乎陰。故主鬼也。

急校三官中

校勘也。三官。天地水官也。即人身之三元。

十德初成基

十數之終成也。德。即天命之理。得之於我者。至此則

成德有其基矣。

同飛七覺元

同飛如鳥之飛。七耳目口鼻舌身意也。覺悟元本也。七竅皆悟其本來。而不同於冥頑之軀。卽所謂七竅相通。竅竅光明是也。

此章言真陽之炁。乃生化之宰。至貴至尊。人能全之。則萬理皆備。時而受之以事。以一貫萬。左右逢原。內無情識之擾。外無形骸之役。百體從令於心。心有主。則所得益固。意大定。而五行自全。靜極見天地之心。

命由我立。功純具長生之道。仙可立致。養成純陽之體。不墮陰邪。而三元爲之混合。其德之成。不有基乎。至此則踐形盡性。觸處天機。七竅光明。而有以還其本來之面目矣。

頌曰。真陽孕育自丹玄。五炁融和大道全。到得百司惟我命。同歸七覺入天仙。

玄契音曰。誦之七遍。七元斗神。皇妃下降。移住南宮。萬炁齊超。得飛仙門。

序理章第三

帝君曰。此章言學道之理。

元始天王曰。清靈扇八極。

清靈。即道也。道一而神冲虛至妙。故清靈也。扇。吹揚也。四方之外有八極。此言道之在天地者。充塞而無間也。

鼓輪三華城。

鼓。動輪轉也。三華。精炁神。精藏下宮。炁藏中宮。神藏上宮。各有界限如城也。此言道之在人身者。周流而不息也。

披此胞胎結。

披。開明也。此指清靈而言。胞胎。炁之蘊育而成者。即乾坤交媾罷。一點落黃庭是也。

六祖受福生。

六祖。六根所由生者。意識也。先淨意識。則諸識不生。具有超脫之象。即文殊云。一根既返元。六根成解脫。辰宿皆衛道。

辰。早宿暮也。衛護也。道。即胞胎所結者。二六時中。勤勤保護。一如眾星之拱北辰也。

常守帝一營

常守綿綿不絕意。帝一此心主宰惟一而不紛雜之。謂營中也。守中抱一而不離也。

公子執五符

公無私子子炁執守也。五心肝脾肺腎也。以母炁伏子炁子母相守而和合也。

太一居紫房

太一卽先天未始之始也。居藏也。紫房元神所居。幽密如房卽安神祖竅。翕聚先天是也。

三合永不紊

三合精炁神三者合而爲一。永長紊亂也。

拔昇玉帝宮

拔昇自下而上也。玉帝宮上帝所居卽道也。言與道爲一也。

少女郁墨子

此下原其始初用功而言。後復推之以至其極。少女卽姪女。郁美盛貌。墨黑也。墨子卽嬰兒。

預兆一炁中

預先兆。基也。嬰兒姪女。交結而成夫妻。合爲一炁。修煉之始也。

拘制精血液

拘束。制限也。精血液。人之所賴以生者。拘制之。使不洩漏也。

盈滿五臟充

五臟。心肝脾肺腎也。充足也。精血液三者。盈滿而充足也。

十真登紫房

十全真本來。登昇也。登紫房。則煉炁歸神矣。

帝子化金仙

帝子。卽元神化變也。長生不壞。謂之金仙。

白玉飛符名

白玉。言其貴。飛速也。符以玉爲之。中分之。彼此各藏其半。有故。則執之相合。以爲信也。

引昇龍臺天

形神俱妙。超凡入聖。

此章言清靈之炁。放之則彌六合。歛之則在一身。原

本周流不息。初無間斷。特人自昧之耳。若能知之。採取烹煉。則珠落黃庭。而結胞胎。六根清淨。自然解脫。又於子午時中。勤加保護。守中抱一。綿綿不絕。私無所容。則以母炁伏子炁。子母相戀。融合無間。以此先天真種。蟄藏炁穴。住息溫養。三元混一。永不紊亂。與道爲體矣。然其功必有所由始。故學道者。惟先將嬰兒姪女。交合一炁。立爲根基。情欲不干。精液滿盈。然後煉精歸炁。煉炁歸神。全其本真。變化爲丹。長生不壞。則形神俱妙。復還太虛。自有白玉之符相名。而引

昇於龍臺天焉。

頌曰。三華輪轉結胞胎。帝一能招太一來。拘制血精登紫府。形神俱妙上龍臺。

玄契曰。誦之八遍。八景神生。八威神王。四方八面。強護修真。註舉仙名。斬絕地戶。永斷惡根。萬炁齊明。得飛神門。

序源章第四

帝君曰。此章言學道之源。

元始天王曰。紫精毓華林。

紫精。紫炁之精。生炁也。炁非陽不能生。陽之色赤也。然帝出乎震。陽炁發生之初。始於東方。東青色也。赤與青間而爲紫。故生炁從東方來者。謂之紫炁也。毓生也。華林。東方。乾坤交媾之後。老陽不用。退居西北。而長子用事。故紫炁之精。毓於華林。猶人之神。發於肝木也。

長眠太無外

長眠。冥心返照。龜藏蛇蟄之謂。指用功而言也。太極無無極。

玉房生寶雲

玉房。乾宮。卽易云。乾爲金。爲玉。是也。寶。貴重之意。雲。地氣之上升者。地交於天。故生寶雲。

九扇胞胎內

九。陽。扇。布也。施也。陽施陰化。而結胞胎。

帝賓奉玉符

帝。上帝。賓。大賓。奉。持也。玉符。白玉之符。所執以爲信者。對上帝。見大賓。而奉玉符。敬謹之至也。

三光回紫蓋

三光精炁神三者充實而有光輝也。回旋繞也。紫蓋三者團結而成。即三華聚頂之意。

蒼玉斌來生

蒼青色玉乾也。乾為天天之色蒼也。斌文彩朗著貌。斌來生則乾體漸復矣。

衛此長夜會

衛守護也。此指蒼玉長夜會藏神內用混沌養真也。

五靈度符籍

五靈精神魄意也。度脫符合籍位也。五靈各安其

位也。

九統合九光

九金之成數。統合合混而為一也。金來歸性有其光也。

太玄居玉清

太玄窈冥莫測之謂居藏也。玉清即乾元虛無澄徹清之至也。

紫陽發萬生

紫陽坎中之陽。水火交媾之後。赤與黑間而成紫。乃

萬物祖炁由此發生。卽三體重生萬物光也。

玄精育九靈

玄精太玄之精。真陰也。育生九靈。頭有九宮。身有九竅。皆藏精棲神之所。各具靈根。

元父結胎仙

元乾元生生之本。故曰父。真陰真陽交合而結胞胎。則長生之道得矣。

此章言紫炁之精。毓於華林。而根於太極。人能回光返照。游神太虛。使地交於天。則陽施陰化。胞胎可成。

但入室之際。須恭敬奉持。儼如對帝迎賓。聚三華於鼎內。用心烹煉。乾體漸復。救護命寶。以虛養神。則耳目口鼻身之五識。各返其根。精神魂魄意之五靈。自安其位。金來歸性。具有光明。復自有入無竅冥之內。虛靈湛清。真陽可以發生萬物。真陰足以孕育九靈。陰陽合抱而成太極。復還元始。聖胎完固。成仙必矣。頌曰。紫精原毓自華林。根本由從太極尋。但得長眠無間斷。一元胎就現真金。玄契曰。誦之九遍。九統帝會。九光神集。混合百神。與

天齊年八會遊集朝應九天萬炁齊清得登真門

詳源章第五

帝君曰此章乃吾自詳其學道之源也故不記
吾師之寶號

高上洞元

高上混沌之區洞幽深也元即太一是為無始

元生九天

九天始青太青始丹太丹始素太素始玄太玄中央
大梵是也

炁祖太无

炁九天之炁祖根也本也太无即太極无極

衆風映玄

衆多風天地交感之炁映照也玄太玄風涵太玄之
中精故能動化萬物而行乎天上

曾親絕散

曾親承上文祖字之意道由一生二二變為三逐流
漸遠猶人始祖之下有高曾也絕離散分也即降本
流末而生萬物之意

四清睹閒

四。四。方。清。淨。閒。安。也。天。地。皆。見。其。清。寧。也。

帝一上景

帝。一。主。宰。惟。一。上。景。乃。理。之。最。上。者。無。以。加。也。

連衆攝烟

連。合。衆。萬。殊。也。攝。收。歛。之。意。烟。炁。之。散。見。者。上。則。一。本。而。萬。殊。此。則。萬。殊。而。一。本。俱。指。道。之。在。天。地。者。而。言。

長契一運

此。下。指。道。之。在。人。而。言。契。合。一。運。一。元。之。運。用。

七世投閑

七。世。亦。承。上。祖。字。之。意。卽。人。之。七。識。也。投。入。閑。欄。也。所。以。止。物。之。出。入。者。

託靈屬命

託。寄。靈。性。也。屬。付。命。卽。天。命。人。受。天。地。陰。陽。五。行。之。炁。得。以。生。而。成。形。皆。性。命。之。所。寄。也。

華灼自然

華。灼。昭。著。也。性。命。發。見。皆。出。於。自。然。不。待。勉。強。也。

流輝六曜

流輝有其光也。六曜南斗離位也。

泯邈沉遷

泯。絕。邈。遠。沉。墮。遷。改。也。未。能。伏。虎。先。降。龍。也。

凌梵御暉

凌。駕。梵。西。域。精。也。御。制。暉。日。光。炁。也。煉。精。御。炁。也。

西華彰安

西。金。位。華。光。也。彰。著。安。和。也。真。金。發。現。其。光。昭。著。而。安。和。也。

併編帝簡

併。同。編。載。簡。書。也。帝。簡。卽。洞。經。昔。帝。君。所。受。之。玉。經。乃。元。始。天。王。所。著。故。曰。帝。簡。此。仙。經。乃。序。帝。君。之。修。爲。故。曰。併。編。

盡得解源

解。悟。源。本。也。使。人。盡。悟。其。本。源。而。不。迷。於。所。往。也。以。上。論。其。理。

胎田邃路

此。下。舉。其。要。胎。田。卽。祖。竅。邃。幽。密。也。

世發玉蘭

世亦緣上祖字而言。續也。發生玉貴蘭香之最清者。翁聚先天。則發玉蘭矣。蘭爲王者之香。多生於幽谷。故比之也。

靈光八輝

靈光卽真性。八輝八方輝映。無不明也。

萬神俱生

衆妙歸根。而神化出矣。

此章言天地未判之先。空洞虛无。渾然一炁。莫可窺

測。迨有無相射。動盪氤氳。而九天以生。天雖名九。統歸太无。凡炁之鼓動。無非太玄之流露。降本流末。支分派別。充塞宇宙。然萬殊不外於一本。主宰仍歸於太一道之在天地者。然也。人能長契一運。則在我之七識。自無紛出之患。夫人自受生以來。稟炁成形。而性命已賦。其發見昭著。皆出於自然。惟先觀照本心。光透南離。泯其離合之迹。然後煉精御炁。斯真金發見。本體安和。則一元之理可得。此帝君憫念世人。故併載其理於洞經。欲人盡得解源。而知所從入也。然

其要則在於胎田。學者能守此竅。久而不離。翕聚先天。清香發越。真性圓明。光無不照。天心見而神明至矣。頌曰。烝祖真元結九天。玉蘭世發在胎田。人天本自無差別。一點靈光混太玄。玄契曰。大洞仙經太玄第一。聖人誦之。飛昇九天。凡夫誦之。免一切罪。誠心向道。自獲洞清。初誦仙經。羣魔俯首。萬烝齊正。

入門章第六

帝君曰。此章言吾入門時。吾師所授大洞玉經。有高上宴紫清之句。因名之曰入門。至後吾得成道。實由此耳。

元始天王曰。高上宴紫清。

高上。太虛之表。宴息。杳冥之謂。紫。黑赤色。陰孕乎陽也。清。純一不雜也。

五老輔玉根。

五老。金木水火土之精也。輔。佐。玉根。卽乾元。

太素拂渺景。

素白也。本質未染。謂之太素。心性純潔也。拂逆返也。渺景幽遠之區。冲漠无朕之中。卽老子云。見素抱樸。少私寡欲是也。

合符帝一尊

合符。渾融也。帝一。居天庭。元神所棲。人之最貴者。心息相依。抱一而不離也。

白帝皓育獎

白帝。西方之神。卽人之真性也。皓。潔白。精瑩貌。育。生。獎。稱許也。卽月現庚方之謂。

回金太霞卿

回金。復其本元。金來歸性也。太霞。紫陽之炁。卿。貴也。卽悟真云。化成一塊紫金霜也。

度我死尸閉

度。超脫也。死尸。在下丹田。至陰之地。度之者。剝盡羣陰。害裏生恩也。

拔出三途昇

三途。苦海也。拔出者。脫離苦海。分胎出。自在崑崙頂上行。

十通由斯生

十通。聞一知十之謂。定則生慧也。

妙行由此興

妙行。隱顯自在之謂。

洞明光景中

空洞虛明。光華燭於周身。所謂一片光明者是也。

帝一真玄經

此帝一真道理之最玄妙者。故筆之於經。以示人也。此章言虛无混沌之中。冥息杳冥。陰孕乎陽。純一不

雜。初無朕兆之可窺。迨一炁動盪。氤氳開闔。五行自生。分鎮各方。輔佐玉清。以成生化之功。惟人稟炁受形。斯理已具。圓明洞徹。初無少欠。但有生以後。七情緣染於外。思慮紛擾於內。則有時而昏。若致虛以保其太素純潔之體。守靜以凝其主宰惟一之神。丹旣居鼎。覺一點靈光。自心常照。而無晝夜。久則神與性合。精與情寂。復還乾體。紫陽乃生。爍盡羣陰。超脫苦海。智慧明通。隱顯自在。自是空洞虛靈。真性大全矣。此修行帝一真道理之最上一乘。故垂經以詔後人。

也。頌曰。玉根清淨本無名。帝一融涵太素精。拔出三途竝閉戶。回金自作太霞卿。玄契曰。文昌大洞仙經。修行帝一真道。妙行大全。始證萬通。聖功初積。玄理幽深。常誦百遍。自然通炁。千遍不輟。通神通靈。

求道章第七

帝君曰。此章言吾知道之幽深玄渺。而惟誠一其心。堅確其志。以求之耳。

元始天王曰。玉虛順玄歸。

玉虛。卽太虛。萬緣俱絕。內念不生。謂之太虛。順。不逆也。玄。乾也。乾爲天。天之色玄也。易云。天玄而地黃。歸宿也。游心冥漠。觀照本竅也。

天晨金霄遊

晨。早也。天晨。平日之氣。靈光發見。謂之金霄。近天炁。初念由太虛而出。猶近天之炁。清明而不雜也。遊行也。此天癸初生之時。

朗朗生帝境

朗朗明也。帝境心境。心爲萬化主宰。故曰帝。

頃爾駕玉洲

頃爾。倏忽之意。駕。過也。玉洲。十洲之一。神仙所居。在人則內腎。曲江是也。中有真陽。故曰玉洲。水所聚處。下交於腎也。

左撫命神童

左。陽也。撫。摩命也。神童。卽嬰兒。變化不測之謂神。右。陰也。弼。輔佐也。書符。言其合心腎相交。陰與陽合。

右弼命書符

也。

明真煥九霄

明。貫通意。真。本來也。煥。光明貌。九霄。九天也。在人頭有九宮。猶天有九霄。

三日映玄敷

三。日月生明時。映。照玄乾敷布也。三日出庚。月照西乾。卽山頭月白藥苗新也。

千景併生矜

千景。卽衆妙。併。同也。矜。矜持慎也。衆妙歸根。送歸土。

金。不敢肆也。

內有幽寥无

幽。深。寥。虛。无。太。无。也。息。念。俱。銷。煉。神。還。虛。

命我得長年

十月胎完。與天同壽。

千劫始一周

一世為一劫。周甲子周也。人以六十年為一周。此以千劫為一周。言其久也。

黃籙保劫仞

籙。圖。書。黃。籙。上。帝。所。賜。者。保。全。也。仙。以。五。百。年。為。一。劫。八。尺。曰。仞。高。也。上。帝。賜。以。黃。籙。歷。劫。不。壞。其。道。愈。高。也。

披錦入神邱

披。被。錦。紫。霞。之。衣。神。邱。太。清。仙。境。也。

太一務命根

妄。緣。俱。絕。一。念。堅。凝。謂。之。太。一。務。專。力。也。命。根。天。命。之。根。即。祖。竅。也。守。而。不。離。

公子召合符

公則無私。子子。烝名引也。心無私欲。則以我身之子。烝名引天地之母。烝子母相戀而和合也。

十回度初心

十回功完也。度脫初心。始志也。功完行滿。初志乃釋。得入大信根。

大信。志念誠篤之謂根。堅確不搖。如樹木之有根也。歷久不變。始終如一。則入大信根矣。

此章言人之求道。惟先煉己純熟。萬緣俱淨。游神太虛。觀照本竅。待彼一陽初動。始念清明。遊行空際。心

地朗徹。先天之鉛將至。則在我一身之精。烝不動。只於內腎之下。倏忽之間。運一點真汞以迎之。真鉛既過。鵲橋之東。左提右挈。鉛與汞混合為一。陰陽交媾。靜悟本來。然後升轆轤二車。由夾脊雙關。上通泥丸。遍徹九宮。注雙目。降金庭。下重樓。入絳宮。冶煉三日。出庚。金精發見。衆妙俱生。然後送歸土釜。封固溫養。矜慎保持。以如來空空之心。合真人深深之息。久則息住胎凝。神返虛无。命寶常固。畱形住世。人以六十年為一周者。此則千劫而始一周。愈煉愈堅。歷劫不

壞其道彌高。上朝玉清。與天爲一矣。然入門之要。必先外絕諸緣。內祛諸妄。一念堅凝。專力命根。認定此竅。須臾不離。久則心公無私。與天地通。奪先天之冲和。逆上雙關。前返乎後。以達本根。使母炁伏子炁。子母眷戀。息息歸根。混合無間。蟄藏炁穴。功無少息。十月胎完。初志乃釋。此則意念誠篤。歷久彌堅。而得入於大信根也。

頌曰。神邱高峻邁崑崙。求陟還須務命根。令我長年由太一。十回初度入玄門。

玄契曰。誦之二遍。得入信根。善因不絕。仙籍書名。萬炁齊和。得定願音信門。

守道章第八

帝君曰。此章言吾既得道。而守之不敢失。

元始天王曰。玉帝玄上旛。

玉玉清帝主宰。卽无極也。玄杳杳冥冥之謂上。至極也。旛旂活動之意。无極之真。孕於太清。一炁蟠結。杳冥至極。氤氳活動也。

製命九天玄

製。裁。製。分。也。命。令。也。九。天。解。見。前。立。太。立。冥。漠。也。道。由。一。生。二。二。變。爲。三。三。分。爲。九。其。裁。製。命。令。俱。默。運。於。於。穆。之。表。

七覺乘妙道

七。覺。七。竅。皆。具。靈。動。之。炁。故。曰。覺。乘。載。也。乘。妙。道。含。靈。育。性。炁。載。乎。理。也。

歡熙神風還

歡。熙。暢。遂。和。悅。也。神。風。鼓。舞。意。還。旋。也。培。養。根。源。觀。照。本。竅。則。精。神。朗。發。和。暢。鼓。舞。如。神。風。之。還。也。

颺燦北停華

颺。緣。上。文。風。字。而。言。疾。風。從。下。而。上。也。燦。明。北。停。北。之。中。華。光。也。珠。明。水。底。真。陽。生。於。北。海。之。中。

紫英列東班

紫。英。紫。陽。之。精。陰。中。之。陽。也。列。布。也。東。班。震。位。陽。生。於。復。而。見。乎。震。

琳和九霄外

琳。美。玉。和。小。笙。以。玉。爲。飾。九。霄。青。碧。丹。景。玉。太。紫。琅。神。霄。是。也。九。霄。皆。五。行。之。炁。所。結。而。成。外。則。感。召。天。

地陰陽五行之正炁。如玉笙之音。響徹雲衢。聲應炁求也。

玉符徵太玄

玉符解見前。徵名太玄。卽太極乾元也。玄言其理幽深而難測。內則擒制一身鉛汞之精華。使其渾合而朝元也。

三素生泥丸

三素精炁神三者。復還本質。不落緣飾之謂。生聚也。泥丸。天庭宮藏神之所。三華合一聚於頂也。

發耀金靈間

發見耀光金靈。卽性間中也。金蟾吐燄是也。

元君誦萬遍

元君乾元爲萬物主宰。故稱君。誦念茲在茲之意。萬遍。不一而足。無忘無助是也。

一心守衛專

一心凝神不紛也。守存其本有衛。防其牽引。專誠篤也。深根固蒂之道。

十善生玄中

文帝全書 卷七
十善。衆善。玄中。混沌冥漠之鄉。虛无湛寂。則萬理有歸懷之樂。

度厄而自然

超脫厄難。頓歸清淨。自有爲而入无爲也。

此章言乾元之理。混於玉清。一炁蟠結。溟滓宵渺。高超无上。而氤氳活動。含靈至妙。自是虛无開闔。分爲九天。裁製運用。俱歸渾穆。人得之以成形而生。七竅炁載乎理。妙道以著。故人能培養根源。觀照祖竅。久則油然而生。浩然炁暢。自有一段清寧闔闢之機。飛

躍活動之趣。一點真陽。從下而上。在北海中生出。結爲紫英。布現震宮。外則感召天地靈陽之正炁。內則擒制一身鉛汞之精華。少焉呼吸相通。母子符合。達於命府。三素生於泥丸。一靈見於規中。而大丹凝矣。又以真人藏於深室。无助无忘。優遊涵泳。冥心守護。虛極靜篤。迨十月胎完。返有爲无。冲漠之中。萬善俱生。又何厄難之不超脫。而自在无爲也哉。
頌曰。妙道虛无炁象。一心守衛更須專。金靈發耀歸真我。十善玄生入自然。

文
帝
全
書
卷
八
三
三
玄契曰。誦之三遍。得自在智。度一切厄。入玄上關。萬
炁齊清。入希聖門。

文帝全書內函卷八

古鼎劉廣恕

義陵劉體恕無我彙輯

古渝金本存全訂

古鼎劉悟誠

仁和關 槐柱生校定

大洞經示讀註釋中

序經章第九

道言。爾時元始天王。眉放青毫。頂旋紫炁。萬華寶蓋。浮
羅覆形。玉光金耀。紆絢光輝。由是吾見吾師如此。乃愈

加精銳。是以功行大成矣。

保元章第十

帝君曰。此章言吾自求道。以至能守。皆由保合。元炁。而無一毫之私累也。

元始天王曰。太真統九炁。

真誠也。太真誠之至極。而無以復加也。統貫九炁。五方四隅之炁。皆一真之流貫也。

洞景寄神通

洞景空洞之中。虛也。寄存神通。神化而通明。靈也。寂

然不動之中。自具感而遂通之妙。如寶藏論云。奇物無根。妙用常存是也。

玉帝乘朱霄

玉帝。即天命之性。乾也。乘。載也。朱。正紅色。朱霄。南天離位。即人心也。先天卦位。乾居乎南。猶性具於心也。

綠霞煥金墉

綠。青黃間色。青。木也。黃。土也。木藏神。土載意。心不擾。則神清。自有一點真意。從黃庭中出。木土交融。而結綠霞。墉。城也。金墉。即人心虛靈之一竅。

上館雲珠內

館。舍。雲。珠。館。名。九。天。之。上。神。仙。所。居。在。人。即。泥。丸。流。珠。宮。是。也。天。命。真。元。著。於。祖。竅。晝。居。二。目。而。藏。於。泥。丸。館。之。者。存。想。而。不。離。也。

仰接无極中

仰。接。上。通。也。无。極。即。先。天。弄。丸。集。所。謂。真。人。現。在。寶。珠。中。也。

靈關太漠下

靈。關。神。明。之。舍。心。也。太。漠。混。沌。之。鄉。腎。也。

靄靄竟冲空

靄。靄。雲。集。貌。天。命。真。元。夜。潛。兩。腎。而。蓄。於。丹。鼎。心。交。腎。自。有。一。段。氤。氲。之。炁。上。冲。於。空。

冥化混離坎

冥。默。也。心。腎。相。交。其。機。至。微。恍。惚。杳。冥。莫。可。意。象。也。化。相。合。而。化。混。一。也。離。坎。即。水。火。人。身。之。精。炁。

一玄寂火空

一。玄。自。有。入。无。一。歸。冥。漠。寂。靜。也。念。動。為。火。寂。火。念。之。潛。藏。而。不。覺。者。靜。中。浮。動。之。意。是。也。空。无。也。息。念。

渾忘寂无所寂。

寂滅高洞上

寂滅真靜。一念不生之謂。高超洞空虛也。高僧妙虛云。但得此中無罣礙。天然本體自虛空。

玉宸保大洞

玉宸帝居室之奧者為宸。心安於命。猶帝之居所不動也。保全大洞。即空虛本體。常將真我安止其中。如如不動。以全此未發之中也。

西拔六祖根

西。清淨之方。拔除六祖根。即識神六根所緣以生者。即景岑云。學道之人不悟真。只為從前認識神。南解累劫凶。

南。解脫之所。解釋累劫凶。累世所集惡業。即私之固結而難去者是也。

體矯萬精波

矯。強貌。波如水之湧而不竭。言其足也。

神王攝十方

神王。陽神充旺也。攝。總持。攝十方。無處不到也。

大歸返胎元

大歸全歸之意。返還胎元。受胎之元。天命之真也。太
玄真人云。父母生前一點靈。

三合乘天龍

三合精合炁。炁合神。神合道也。乘駕也。龍純陽之物。
天龍卽神龍。變化莫測者。養成純陽之體。自具神明
之德。悟真云。駕個金龍訪紫微也。

此章言太真之道。統貫九天。至无至有。至虛至實。空
洞虛靈。幽顯莫測。自人稟炁受胎。得以成形。一元之

理。始竅於人心。晝居雙目而藏於泥丸。夜潛兩腎而
蓄於丹鼎。惟心靜無擾。其神自清。一點真意。流注中
宮。靈光煥發。上通天谷。仰接无極。下達命門。靈關太
漠之下。自有一段氤氳真意。靄靄雲集。上冲於空。恍
惚杳冥。心腎融化。水火混一。更復凝神虛無。寂火俱
空。常明而常覺。不起明覺心。常寂而常照。不起寂照
想。引而收之於空洞鄉。運而藏之於闔闢處。時將真
我。安止其中。如北辰居所。而衆星皆共。以保此空虛
之本體。先斷意識。而諸識不生。次解積孽。而衆孽不

作精足神旺。性命合一。則胎元之真。全歸於我矣。自是形化於道。卷舒自如。如神龍之變化而莫測焉。此保元之極功也。
頌曰。朱晶彩映。煥金墉。爲結牟珠大洞中。冥化坎離。空寂火胎元。返始寄神通。
玄契曰。誦之四遍。根塵漸墮。業網自解。劫運不隨。萬烝齊臨。得自在門。

明玄章第十一

帝君曰。此章言玄機之奧。不可不有以明之也。

元始天王曰。紫精太无中

理宰乎烝紫烝之精。生於太无。

三元上景衢

三元。上中下也。上景。至明之謂。衢。路也。四通無礙。謂之衢。

秀朗大寶輝

秀。榮美朗明著寶珍也。大寶。卽史龜茨傳。聖人得之。以爲大寶之意。人得紫精之理。以爲大寶也。輝。光也。昭昭扇帝敷。

昭昭明也。扇吹揚活潑意。帝卽天敷施也。靈光昭著而活潑。皆天之所命也。

伯史啟三素

伯史卽太史官名。記事者也。掌書契以贊治。啟分也。三素三華之精。三素分育於丹田。猶六書分掌於太史也。

帝臨登玉虛

帝。上帝臨降也。詩曰。上帝臨汝。無貳爾心。言其敬也。登升玉虛太虛。澄清之後。神化爲虛。卽先存後忘也。

慶炁育五雲

慶炁陰陽和合之炁。育生五雲。五炁朝元。結而爲雲。

司命神明初

司。主命天命卽无極也。未有命而能命我之命者。命之始也。神明虛靈也。初本始。還我本來真面目。未生身處一輪明。

十華妙行仙

十華功完而全體皆明。妙行。行滿而思勉俱化。

制魔生六明

制。伏。魔。卽。六。賊。六。明。六。根。清。淨。具。有。光。明。此。原。其。始。初。用。功。而。言。示。人。以。下。手。之。要。也。

此章言紫精之炁。根本太无。結爲三元。明通無礙。人得之以爲大寶。其光秀麗明朗。故真性之中。昭明活潑。俱非後起之數。皆上帝所命。而我得之以爲命者。自是形生神發。而三素之精。乃分育於丹田。特人內具六根。外引六賊。不能存心以養性。斯難盡人以合天。惟先存之以虛其心。若上帝之臨汝。不貳其念。次忘之以廓其量。求真人之深息。意相皆空。泯然入定。

定久。內外兩忘。動靜俱無。璇璣停輪。日月合璧。水火金木土五者。和合朝元。自有慶祥之炁。結而爲雲。返乎天命之初。全其虛靈之體。功完行滿。住世長年。不有以爲十華妙行仙乎。但其始。必先斬除六賊。頓歸清淨。返識爲智。以生六明。而入道。乃有其基也。頌曰。大寶輝明月出庚。紫精原自太无生。十華妙行真堪羨。惟在制魔生六明。玄契曰。誦之五遍。永絕死炁。浸茂生根。萬炁齊生。得長生門。

通微首章第十二

帝君曰。此三章言大道微而難見。必由求。由守。而保其元。庶乎可以通矣。

元始天王曰。太玄天地通。

太極上之稱。玄理之幽深者。太玄之道。生天生地。人能明之。則天地可通也。

浮雲不能入。

浮雲至薄之雲。即私欲也。人惟中有一毫私欲。遂被障礙。與理扞格而不能入也。

神宗理靈襟

神。神明宗主理。即太玄。以其幽深而難測。謂之玄。以其有脈絡之可循。謂之理。煉去己私。神明之內。惟以理為主也。靈襟。胸襟靈豁也。

龍山秀玉峯

龍山。山名。在西域。秀峻拔高也。玉峯。峯之朗潔如玉者。明也。皆取象形容之意。

金房鬱明霞

金。乾也。房。室之密者。即祖竅。鬱。叢生也。明霞。靈光。言

靈光發現於祖竅也。

九天為高宮

上丹田有九宮。即九天。處於最高之地。天竅圓而藏性。

黃庭涉北元

黃土色。庭中也。凡人之庭。皆在於中。涉。渡也。北。水方。故曰涉地竅。方而藏命。陰中之陽。人之元神也。

元父在回明

元為生身之本。故曰父。回。還。回。明。返。照也。

朱晶啟明師

朱。晶。火。之。精。朱。言。其。色。晶。言。其。明。也。啟。發。也。心。腎。交。而。智。慧。出。心。明。而。能。自。得。師。也。

幽寥登上清

幽。寥。空。虛。也。上。清。太。清。心。澄。意。靜。之。後。復。返。於。純。合。乎。元。始。之。初。謂。之。太。清。

叅透玄中妙

叅。透。透。徹。也。玄。中。妙。玄。理。之。深。奧。者。所。謂。悟。徹。菩。提。真。妙。理。是。也。

長保大洞經

保守也。大洞經皆發明乎玄理之奧者。長保之則優游厭飫。久之豁然貫通。自能參乎其微也。此章言太玄之道。生育天地。人能明之。則兩大可通。但中有私欲。遂爲錮蔽。於理扞格而不能入。惟克去己私。神明之內。以理爲主。胸襟靈豁。如龍山之聳秀。玉峯之朗照。則真性之藏於祖竅者。自有靈光發見。上徹九宮。降黃庭。入土釜。達曲江。與腎中元神會合。性命合一。回光返照。心腎交融。智慧日生。如朱晶之

瑩徹。不須指導。能自得師。體相空虛。靜悟元本。而登於上清矣。然此皆玄中之妙。知之不易。若欲參悟此理。惟將大洞經文。朝夕保守。優游涵泳。久則豁然通微。自能漸徹其妙矣。

頌曰。浮雲何自入空明。惟有幽寥登上清。叅透玄中真妙諦。光澄水底耀朱晶。
玄契曰。誦之六遍。六天大魔。永斷鬼鋒。六根清淨。廣明發生。萬炁齊光。卽得度世。進登仙門。

通微二章第十三

元始天王曰。辰中五景炁。

日月交會謂之辰。每月三十日。卦屬坤。至陰也。蓋一陽不生於復。而生於坤。坤雖至陰。然陰中含陽。火藥之生。實根於此。真息一升一降。而水火金木土五者。自爲進退攢簇和合。而有榮美之炁。

三秀登霄庭。

三秀。精炁神三者。妙合而凝也。登。升霄庭。天庭。聚於頂也。

滄臺飛羽輪。

滄。滄洲。神仙所居。有瓊臺玉宇。故曰滄臺。飛。騰羽輪。羽化之車。神仙所駕者。猶羽衣之謂。

迎延道已成。

迎。接延請也。同登仙境。則道已成矣。

司命奉帝書。

司命。主張造化。奉帝書。天詔下頒也。

號曰玄度卿。

號。稱玄度。得玄理而飛度者。卿。公卿。受職爲仙官也。保生太霞宮。

保生。保護長生。太霞宮。玉清內境。

列賓館玉清

待爲列賓。館於玉清之上。

命門合津延

命門。兩腎中間一穴。元精所生。故曰命門。內有真水。真火。兩腎和合。則津液延長而不竭。

守我身常寧

精足則體壯。乃能守身而常寧。

左攜元數君

攜。持也。坎中之陽。爲萬物生生之始。而主宰乎衆有者。故謂之元數君。左攜。上升也。

右攜朱鬱靈

朱。火之色。鬱。葱鬱鬱鬱。勃不可遏也。靈。言其性。卽離中之陰。在人則心是也。右攜。下交也。

太玄度迷覺

精神合一。則性命歸根。而得太玄之道。超度羣迷。使之覺悟。不獨成己。而兼以成物也。

遍施大洞文

大洞文發明太玄之道。遍施之。則人人皆悟其理。

紫華領胎仙

紫華。紫炁之精。結而爲華。領受也。受之爲胎。則長生有其基矣。

元命真中神

元命。命之始也。真。本來神。元神。返乎无極。全其本真也。自命門合津。延以下。又推其用功得力之由。使人知所從入也。

此章言陰陽和合。則五炁朝元。三華聚頂。滄臺迎迓。

其道已成。司命受符。各居仙位。保生於太霞之宮。列賓於玉清之上。功成道備。修煉已極。然其始未易致也。天命真元。藏於兩腎。惟於命門。保合收斂。使津不竭。守我之身。常令安寧。身不動。則精化爲炁。左則攜乎坎中之陽。上交於心。右則攜乎離中之陰。下交於腎。取坎填離。合成乾體。而太玄之道已得。然功非行。則不能完。故成已之終。卽爲成物之始。如大洞經文。皆以發明妙道。我欲超度羣迷。使之覺悟。惟遍施之。則成真證道。俱有所藉。物成而成已之量。愈盡功圓。

行滿紫炁之精。受而爲胎。根固不搖。胚孕仙基。返乎
無極之真。溯乎天命之始。本來元神。歷劫常存。而大
丹成矣。此列賓館玉清之所由致也。

頌曰。命門謹守自生春。心腎相交見太真。胎受紫華
成妙行。滄臺冉冉駕飛輪。

玄契曰。太華妙行五華顛門。玄通玉清。千行始登。遍
施洞經。會合成真。聞合見合。德合天尊。

通微三章第十四

元始天王曰。金闕上景炁。

金闕上帝所居。猶神室爲真性所藏也。靜虛之極。神
室自開。一炁氤氳。葱鬱榮美。得未曾有。故曰上景炁。
十方暉紫烟。

十方卽人身之衆竅也。暉光紫烟。和合之炁。先天起
而諸炁潮。蒸就神光。飛騰紫烟。

三合太一尊

道始於一而變於三。融三歸一。合於元始。

帝招太元神

帝卽心招致也。太元无始也。有物渾成。先天地生。卽

其神也。由元始而返於无始也。

七轉名嶽真

七。少陽轉復生也。嬰兒法乳。陰極陽生。地炁上升。自交於天。如天中五嶽立極。陰陽五嶽真炁和而上升。與太和交合也。

玉符告三官

三官三元真炁貫注。三元自合。

拔籍三途下

六欲不生。三毒消滅。

受生高上辰

辰。北辰天之樞也。出地三十六度。處於最高。常見不隱。故曰高上元炁之生。胚胎於此。欲盡理復天心見矣。

太帝八靈王

太帝。太極也。萬化主宰。故曰太帝。八靈明白四達之謂。統眾靈而歸於湛寂。是為王也。

一化回慶雲

一化。本來混一。頓忘執著。隨機化育。太和流貫而慶。

雲生焉。

桃君守六合

桃性能辟惡。邪魔畏之。守慧照無間也。六合。天地之中。陰陽交會之所。空虛之地也。

謹精衛泥丸

精為生身之本。故須謹。泥丸為精液之源。故須衛。

太清八景觀

緣絕慮空。返乎本始。謂之太清。八識不擾。炁自和暢。故曰八景觀美也。

十德真文宣

土數五。二五相合而成圭。謂之十德。丹凝則紫炁自現。真文宣著有必然者。

保守神中神

息住胎圓。謂之保守神中神。乃性中命也。即煉神須煉不神神。

元命生自然

天命在我。一元皆備。養至而幾於安。有從容自得之妙。

此章言虛靈之內。真性所居。一炁凝結。榮美無加。光之所燭。諸炁來朝。但心着世慾。墮於三途。此理便與我相格矣。惟正心澄意。毫無染着。外無其形。內無其心。欲斷意絕。合三爲一。窈窈冥冥。入於慧光之中。以招致乎无極之真。迨陰盡陽生。七日來復。地炁上交。於天三元混合。六欲不生。苦海脫而道岸登。先天已得。雪淨冰融。四通無礙。更復忘神入虛。不生執着。隨機運化。一團太和之炁。回還充塞。此理爲我有矣。然理不易得。猶恐復失。當須辟祛邪魔。觀照規中。謹守

精液衛護。泥丸則萬緣俱寂。八識不生。氣和而道立。道立而基固。二五相合。丹道乃成。自有文彩宣著。性中得命。命合性空。神返真元。常含湛寂之體。聽无爲之神化。而自然生矣。此理至一貫之候。由勉幾安之時也。

頌曰。十月胎靈召岳真。受生高上混元神。慶雲回化。桃君守明鏡。依然還太清。

立契曰。帝德一貫。進德坦平。三千行滿。經文下敷。願滿成真。保守洞經。中理五炁。會合衆神。

度厄章第十五

帝君曰。此章名度厄。言吾既得道。而凡一切衆生之厄難。當必有以度脫之也。

元始天王曰。太素三華炁。

不落緣染。虛極靜篤。則精自化炁。炁自化神。而三華見矣。

晨登廣寧堂。

晨早也。子爲晨。午爲暮。卽真意發見。天癸初生之時。此時水源至清。廣大無不包。寧安而不擾。堂高明之。

域。真性昭著。固有如是之景象也。

玉京表玄籍。

玉京。上帝所居。衆仙朝拱之地。猶人心爲衆理會萃之區也。表記也。玄籍。卽仙籍。所以識者。猶理默識於心。而無或遺也。

守命核道康。

守命。涵育本元。存養也。核道。喚醒主人。省察也。康泰。自得而安居也。此卽進陽火之功。

回風散萬魔。

回風。返照也。散去萬魔。根塵緣擾。不一而足。皆散去之。克治也。

金符超廣鄉

金。乾也。廣鄉。即廣居之謂。符合乾體。等虛空界。開天門也。

撫御地下戶

撫。按御治地下戶。乃至陰往來之所。撫御之。則羣陰銷鑠矣。

保守長生王

保守。須臾不離也。陰中真陽。乃人元神。歷劫不壞者。是即長生王也。此退陰符之功。

轉入上仙門

胞胎融結。成仙可冀。

八景齊洞陽

功至八返。陰盡陽純。丹道已成。神光赫赫。照耀金庭。故曰八景齊竝也。洞陽。空洞之中。一點真陽。乃先天之精。未達一間。故曰齊也。

此章言人能致虛守寂。心無染着。則諸紛莫能擾我。

之神散我之炁。耗我之精。如此性靈方現。靜內生光。一心之中。浩浩蕩蕩。登於廣大高明之域。衆理會萃。默識不忘。又加以存養省察之功。使之自得而安居焉。但人塵根未斷。則衆私潛集。理之爲我有者。猶恐其或失之。故必回詳審視。克去己私。以散萬魔。復還太虛。符合乾體。是理也。乃生生之本人。能守之自足。長生第恐陰濁偶乘。則真陽汨沒。長生不可保矣。惟撫御地下戶。銷鑠羣陰。不使偶一竊發。以保此長生之本體。夫長生卽仙也。由從此處。徐徐漸進。則陰盡。

陽純。飛昇可必。輝光發越。直造先天。可與洞陽相齊矣。此功至人返之時也。

頌曰。何人不具長生王。守命還須核道康。御戶散魔生八景。羨君已入廣寧堂。

玄契曰。誦大洞仙經。貴乎有恆。誦之萬遍。子形中元。勲音帝一真合體。自洞清。名制十方。御元回靈。萬炁成真。合德會明。玄玄無邊。變化自然。至此修行。名曰玄關。又曰玄會。六度十回。功滿道備。位登金闕。以發其華。以成其德。十信十善。漸進於仙。妙行大全。號曰玉

宸道君。

明洞章第十六

帝君曰。此章名明洞。言吾之所以得道者。緣於太无之理。帝一之道。無不明晰而洞徹也。

元始天王曰。皇上超无景。

北辰為孕元之所。帝實居之。至尊無對。故曰皇上。超无景。高超无上之景。在人則忘物忘形。空洞之中。恍惚立極。若無主宰。而主宰存焉。炁之先得者也。

輪轉九曜停。

輪轉。循環也。九曜。即北斗七星。尊帝二曜也。停。勻。九曜各乘先天之炁以行。樞機輪轉。不失躔度。而各均停焉。在人則時至炁隨。左旋右轉。按周天而合晷度也。

回風混帝心。

回。還。風。散也。回風。凝聚之意。帝心。即天心。默運主宰。皆帝心也。在人則從有入無。一心內守。靜體无極。若存若忘之間。一炁融合。出其身於太虚之上。返混元於我腹之中也。

八景運常寧

八景八節之炁。運常寧。交代推遷。各循其序。無或戾也。在人則六陰六陽。循序而進。成功而退。默運而安寧也。

廣霞參神天

廣霞。即無量光明之謂。參竝也。在人則五官六腑。無不通徹。竅竅光明也。

五帝散日精

五帝。青黃赤白黑也。散。分布。日精。真陽也。在人則一

炁周流。五靈各安其位。變為純陽也。

液逸玄中膜

液。津。逸。安也。玄中膜。昔為血氣之軀。今玄理充足。非昔比也。

血凝五華平

血凝。血化為膏也。五華。五炁之精。平。則彼此如一。不相侵剋。

體寶圓珠映

體。天寶地靈之炁。結為黍珠。圓明無欠。復還其初。

流曜瑩光形

流曜。活潑而朗徹也。瑩。精潔貌。光形。光輝昭著。見於外也。

號為壽逸阜

壽。久逸安阜山也。山靜而壽。以比丹成之後。逍遙自在。與天地並峙也。

亦曰澄源亭

澄源。澄徹其本源內通也。亭。傑出貌。外直也。俱滅三惡機

機。惡之從生者。已兆未形之際也。塵根永絕。惡豈能生。

啟籍登大明

啟。開籍書也。垂之典冊。原始要終。朗然明白。如黃帝之著陰符。老子之講道德也。

令我保仙真

保。師保。如帝君為人天之師也。

仙綬披綠青

綬。佩印之組也。佩印綬而披綠青之衣。受仙職也。

解禍冥途中

水火刀兵不害。

祈福超上靈

化災為福。功完行滿。超列上真。

度世登玉卿

度世超脫塵世。玉卿玉清輔相。即寶符降後去朝天。

累祖返胎嬰

累祖歷劫種親也。俱得超昇。還元而返胎嬰。

洞觀无礙空

洞觀一切。无有空礙。如鑑之空。

元始通其明

元始天命之初。通貫也。以一貫萬。無不明也。

驪珠現真形

驪珠。驪龍之珠。即人生前一點靈也。此為真我。歷劫

長存。至此。則道即體。而真形現矣。

內外洞照清

道眼所通。內外皆徹。無不洞照而清。不思而得。知之

至也。

此章言人深息聚炁。渾忘物我。窈冥之內。若無主宰。而主宰存焉。時至炁生。自爲交泰。左旋右轉。暗合天度。微意一點。落於中宮。天水相映。復自有入無。返觀內照。若存若忘之間。活活潑潑。一團太和之氣。靈性蘊於其中。如兒存腹。妙合而凝。真陰真陽。循環於虛无之中。而入運常寧。八萬四千三百六十五官六腑。無不光明透徹。造化順行。五炁分布。循序而進。成功而退。打成一片純陽。精貫百骸。血凝五臟。體天地靈寶之炁。結爲圓珠。光瑩外著。一得永得。逍遙長存。內

通外直。斬斷惡根。登於大明。爲人天之師。披綬綠青。災害不生。祈福超靈。上朝玉清。歷代遠祖。俱獲返元。而超昇焉。斯時洞觀一切。无礙无障。如鑑之空。會乎天命之始。以一貫萬。觸處皆明。驪珠已得。真形自現。道眼所通。內外洞清。非復人世之見聞矣。頌曰。真形在我不難尋。返照回風混帝心。體寶圓珠光四射。將來收入掌中擒。玄契曰。洞觀清淨。道眼所通。无礙无障。內外明洞。照見一切。操持有功。

文帝全書 卷九 三

文帝全書內函卷九

文帝全書內函卷九

古鼎劉廣恕

義陵劉體恕無我彙輯 古渝金本存全訂

古鼎劉悟誠

仁和關 槐柱生校定

大洞經示讀註釋下

序經章第十七

道言。爾時元始天王以大洞高上混洞太无元。天寶地靈之炁。結一寶珠。名之曰蒼明頡。曰吾以此寶。從道妙

文帝全書 卷九 大洞經下 序經 一

一善貸生根。孕立分元。誕始傳真。化生萬物。凝成一炁。大哉至寶。惟我獨存。今爲玉宸道君。重出斯寶。諸天帝王。天真大聖。瞻望寶光。其光輝燦爛。分而敷之。四方遂凝聚而成彩雲。烱爛而成詞章。由是百千億萬。結成大洞仙經文光。因會諸天帝王。天真大聖。以清明識。以始通觀。以華灼通。齊聲宣詠。大洞雲章。音徹諸天。流響九地。稱名神鄉。一切神靈。不離本座。朗誦雲章。目覩之而烱爛。耳聞之而稱揚。其下有懶惰之人。皆由百生障滅。萬劫塵埋。一旦光音所及。遂於一時頃刻間。脫離苦海。

故雖目見耳聞。終成渺渺。於是太玄道父。前詣蕭臺。再拜稽首。求授寶珠。所結大洞經文。俯賜凡間。庶以導化生衆。令其各遵經語。俾免萬災。弘誓願言。殷勤啟請。元辰大聖。玉宸道君。乃親付太玄道父。蒼胡頡寶珠。竝告太玄道父曰。此寶久祕於吾。幾欲重出。不期上智無幾。下愚最多。不知悔悟者十之九。知悔悟者百無一。吾故未輕出也。今幸有爾太玄求請。吾故又授之。惟願吾子。鄭重此寶。備述其源。不必問凡與聖。只一一化他爲善。是吾之願也。夫是吾之願也。夫。

通明章第十八

帝君曰。此章言吾既得道。凡太玄次玄之理。無不有以貫通而明曉也。

元始天王曰。太陽化五辰。

无極之先。陰孕乎陽。太極之後。陽統乎陰。道自虛无。先生一炁。一太陽也。一化爲五金木水火土皆備焉。

紫霄歸玄路

紫霄。北方玄天。至陰之位。中有真陽。結爲紫霄。歸還。玄冥。漠路徑也。五炁順布。紫精以生。凝神入室。復歸。

混沌。

元君保容重

混沌之中。真元會合。君。主宰萬化也。保護之而不使。傷容。含之而不敢洩。重。慎之而不敢輕。

守胃塞死戶

胃。土。真意所蘊蓄者。守。以誠內觀也。塞。斷死戶。卽無明業識。司輪回種子。故曰死戶。

金符煥北華

北。坎。水。方。金。隱於中。母藏子胎。煥。北華。則水中金炁。

發見。蓋意絕而真性明也。

玉宸按六度

玉宸帝君道號。拔除六六根。度超脫六根。盡淨也。

帝真灌上昇

帝真。皇降恆性。卽真元也。灌溉三田。上冲天谷。悉與

神合也。

斷息三途苦

欲既不生。三途自滅。

洞明清淨光

空洞虛明。心淨神清。湛然而獨存也。

帝心大神通

帝心。卽本心。一點陽神。出沒隱顯。變化莫測。

命宿出自然

道同太虛。運用施爲。俱歸自然。如北辰居所。而衆星

自拱。

根本原由中

究其根本。實由於中。見乎外者。本乎內。昭乎用者。由乎體也。

未來及他心

未來。意必之念。他心。雜妄之心。

一切无礙融

一切。舉其全而言。纖翳不存。故无礙。萬念俱忘。故融。化。

洞源與洞明

洞源。空洞其源。虛也。洞明。空洞其明。靈也。

萬道由通生

虛與靈合。則无所不通。一以貫之。而萬道由生矣。

此章言人既得真陽之炁。運化五行。結為紫精。返抱還虛。復歸玄漠。妙合真元。保容鄭重。如龍之養珠。謹守規中。不叅業識。則意絕性明。陰極陽生。六根解脫。一點真元。灌溉周身上。通天谷。驅逐一身百竅之陰邪。蕩滌五臟六腑之濁穢。空洞明朗。清淨之中。湛然不味。陽神發見。幽顯莫測。運化從心。不假施為。而與太虛同體矣。然究其根本。惟在於中。未來他心。悉去障礙。一念不生。則虛靈相合。而萬道由通生也。頌曰。帝真湧貫合虛明。根本從中似水清。斷絕未來

及一切始知萬道由通生。
太玄契曰。大洞清淨。因明帝心。太玄真道。備悉見聞。七
通入達。洞明仙經。元始天王。進登玉清。說明上品。上
仙之貴。

還元章第十九

帝君曰。此章再申言吾道之所以能得大成者。
蓋自入門以至保元時。皆能返本還元。不爲他
物耗散也。

元始天王曰。養精上華。炁。

性者。天也。常潛於頂。命者。海也。常潛於腎。腎爲藏精
之所。生身之本。故學道入門。必先從養精起。養精。謹
守命門。不使遺洩。精足生華。上化爲炁。

太微玄景童

太微。深細之至。玄景。幽妙也。童。赤子。無知也。深息聚
炁。渾然無知。

神化玉室內

玉室。乾宮。神所居也。炁生則神化。

飛羽逸紫空

飛羽。超騰之象。逸放也。紫空。即紫霄。神化為虛。

日為三才貴

虛合於炁。而命蒂同日。三才。天地人也。

奉符照地中

奉符。默相感召也。地。神靜也。照地中。從至陰中生出

太一點陽明之象。

開關把金節

開關。一炁冲突。竅竅相通也。把持金節。即符節。所執以為信者。无窒礙之意。

閉戶扣瓊鐘。

閉戶。眼不視而魂在肝。耳不聞而精在腎。舌不動而神在心。鼻不嗅而魄在肺。扣擊瓊玉鐘。陽聲之始也。

滅魔三艷野

魔。自內生者。以慧劍滅之。三艷野。幽隱之區。魔之所由匿也。

招靈上清宮

招。致魔盡靈生。若已去而復招之也。上清宮。上冲泥丸。合天清浮。通乎性也。

冥冥窮陰關

冥冥。窈默也。窮。究。窮陰關。下達尾閭。合地重濁。通乎命也。

聚精六合中

聚精。性命交泰。真精妙合而凝也。六合中。卽廖蟬輝云。前對臍輪後對腎。中間有個真金鼎是也。人身上下皆實。惟中常虛。藏精育靈。聖胎由結。及老變皓形。及老舉老以該幼也。變化皓形。卽體胖意。有諸內者

形諸外也。

髮白返童容

返老爲童。

洞源清淨光

本源空洞。心神清淨。

操持有其功

操。存。持。守。也。操持。乃致虛守靜。常明常覺之謂。

咽液生萬神

咽。吞。也。液。炁。中。津。時。時。咽。之。則。炁。化。爲。神。

神水華池融

神水。心中液也。華池。即命門。周流神水。入於華池。心腎相交。融合而化之。

湧泉灌而潤

湧泉。腳心穴。灌溉潤滋也。

往來无有窮

往來流轉。无有窮盡。

道成周而始

道成。丹凝也。天度三百六十。周流不息。人身法之。周

而復始。

天根常茂豐

天根。天命之根。命基永固。自然生色。晬面猶草木之根。暢茂條達也。

此章言人修煉。無身不成道。而身非精不能生。故必先積精以養身。精足則生。炁足則生神。神足則化為虛。一點真陽。從至陰而出。竅竅相通。初无窒礙。開天門。閉地戶。滅却邪魔。招致真靈。上通泥丸。下達尾閭。性命合一。聚於規中。封固溫養。形化嬰兒。一心之

內空洞明朗。清淨瑩徹矣。然其功不遽懈也。操存持守。咽液以生萬神。使神水華池。自相融結。下流湧泉。灌溉滋潤。往來周身。無有窮竭。卽至道成之時。亦按周天度數。河車搬運。周而復始。則命基永固。而天根常茂矣。

頌曰。咽液生神第一功。聚精六合返童容。往來不息周而始。自見天根常茂豐。

立契曰。洞源清淨操持有功。華池神水湧升灌通。往來无滯。帝心一空。

化幽章第二十六

帝君曰。此四章名化幽。蓋言吾既成己。尤須成物。而成物之量。必盡幽冥。方爲無欠。故請吾師。

元始天王度厄靈符。而爲先天公據。以拔度之。

元始天王曰。玉宸九天司。

玉宸帝君也。九天司。爲九天開化而司命。

太上大道君。

太上尊稱之辭。君。主宰也。

常保向化人。

保祐護也

九回鏡中清

九回丹成九轉也。心鏡明通。物來畢照。如鏡之清。此下言成物由於成己。

解帶玉映室

帶紳所以束者。如情識之繫於心也。解之則情寂而性明。虛室生白如玉之映也。

乘景入四明

乘通景光也。四四大耳目口鼻也。靈光漸著。關竅開

通入四明也。

提撕日中主

日中主。心中性也。提撕。警覺之意。

勤宣月中神

月中神。性中命也。勤宣。貫通不息之意。

太一召天魔

性命相合。復還元始。謂之太一天魔。與生俱來者。氣質之性是也。召則惟吾所命。不為害也。

帝君校萬精

帝君天君心也。校豆中央直者。禮祭統。夫人薦豆。執校是也。取象內直之意。萬精眾理也。心無私曲。則眾理皆萃。

拔擢死籍烝

拔擢。超除也。死籍烝。塵濁之烝。即己私之深入於隱微者是也。

越度仙黃庭

越度。上昇也。仙。輕靈意。變塵濁為輕靈也。黃庭。陰陽冲合之所。規中也。常存中和之意。

帝立三關上

三關。上中下三田也。三元混合。聚於泥丸。泥丸有帝乙宮。故云。

八風舞神兵

八風。四通之意。舞。內運也。兵。真意流貫。謂之神兵。洞微无窒礙。

化及眾幽靈

虛則生明。无微不燭。空則通靈。自无窒礙。幽靈皆化。變為純陽。

文帝全書 卷九 三
此章言帝君得道之後。爲九天司命。太上道君。常保
向化之人。救度一切。然成物之功。由於成己。惟功至
九回丹成之候。內外虛明。無物不照。乃能盡己性以
盡人物之性也。其功維何。如人一點真靈。爲情欲繫
縛。隱而不見。必澄心靜慮。去其錮蔽。則虛室生明。由
此而進。光明四達。揖。擗。以存性。勤宣以保命。性命合
一。復返於純。名制天魔。會萃萬精。拔去久積之私。變
爲輕清之炁。中養太和。三元聚於泥丸。真意運於混
漠。聖耳梵通。自无滯礙。幽靈悉化。陰盡陽純。由己及

人而成物之功。乃著也。

頌曰。雙懸日月鏡中清。太一名魔校萬精。帝立三關
融籍炁。洞微无礙入虛明。

立契曰。洞微清淨。聖耳梵通。无礙无障。內外虛明。

化幽二章第二十一

元始天王曰。太清浮絕空。

心虛意靜。纖塵不染。謂之太清。浮則不沉。絕則無私。
空則忘相。皆形容太清之意。

三天保神符

三。精炁神。皆天所與之寶。卽上藥三品之謂。神符。神相契合。靜極而化也。

日中開五暉

暗裡珠明。如日中天。開朗也。五炁順布。故有五暉之映。

大地恩無窮

光透百骸。如日照臨。大地皆春。其恩無窮也。

捧籍登大明

捧。持守之意。籍。藉也。三日出庚。月藉日光而始生。從

此保守。抽添運用。至十五日。而陽魂滿輪。全體皆現。登於大明。

受籙金華樓

受籙。受天命也。性通於命。有受籙之象。金華樓。上帝所居。金堅華明。樓高也。性合於命。鎔鑄真金。高明配天也。

五臟植玉根

一心內蘊。五臟化盡。虛无之中。以產紫英。而玉根植矣。

炁通生清明

炁通真炁貫通也。月皎冰融。清明自生。

定和妙明覺

定純一也。和順適也。精粹難名曰妙明。知其所當然。覺悟其所以然。

玄息自長生

玄息真息。神炁相抱。心不動念。无去无來。自然長住。此章言真一之源。含於性光之內。虛靈之神。居於空谷之間。須幻身常無。神乃得一。惟塵淨欲忘。返乎太

清。默。默。之。中。精。與。炁。合。炁。與。神。合。靜。極。而。化。一。點。真。陽。如。日。中。天。五。方。暉。映。照。臨。大。地。無。所。不。周。月。感。日。精。三。日。出。庚。而。光。生。從。此。運。用。抽。添。至。十。五。而。日。月。相。望。全。體。皆。明。陰。陽。和。合。通。其。性。抱。其。命。鎔。鑄。真。金。化。為。明。鏡。光。射。四。方。與。天。同。體。復。一。心。內。守。靜。含。无。極。植。玉。根。於。我。腹。之。中。一。炁。貫。注。清。明。自。生。莫。可。名。狀。則。在。我。之。真。息。不。出。不。入。無。去。無。來。自。長。住。而。胎。凝。矣。

頌曰。虛空霹靂莫相驚。受錄金華產玉英。養得清明

還太始。綿綿立息自長生。
立契曰。洞空清淨。立息烝通。无障无礙。內外皆清。

化幽三章第二十二

元始天王曰。太極元景王

黑白交凝。冲虛至聖。包涵元烝。謂之太極元善之長也。統衆理而莫外。宰萬物而不遺。故曰王。

拔出一切魂

魂烝也。太極在我。真烝氤氳。聽自然之冲突。諸竅皆通。聚衆烝於神室。若有以拔出之也。

九立解重劫

九老陽之數。立一也。去九歸一。純陽之象。解除重劫。累世所集之業。塵根之固結而難去者。

六合得上昇

六老陰之數。合陰極而合抱於陽。上昇。陰本在下。欲交於陽。則上昇。

徘徊秀華下

徘徊盤旋不進也。陰陽將交未交之象。秀華。陽光。陰欲交陽。故於其下而徘徊也。

俯仰化五靈

俯。陽下施也。仰。陰上承也。化五靈。陰陽合。而精神魂魄。自朝元而混化。

飛仙昇玉堂

飛。超騰仙。輕舉昇玉堂。造乎此理高明之域。

形神回孩嬰

形則骨弱而筋柔。神則渾全而握固。回還孩嬰。赤子也。

洞虛清和淨

洞。空諸所有。虛。曠兮若谷。清。純一不雜。和。道炁常存。淨。塵根永斷。

華通引立明

華。光也。通。貫也。引。進也。杳冥之內。若无知覺。而靈覺存焉。謂之立明。由太極而通乎无極也。

此章言命帶同日。性光如月。日月合抱而為太極。宰制萬有。真炁一到。衆炁咸聚。以九立之功。解除重業。陰極而化。上交於陽。俯仰之間。五靈混一。融形骸於性命。化沉濁為高明。精完神固。復返嬰孩。一心之內。

空洞虛无。清和寂淨。智慧圓通。復還混沌。杳冥之中。湛然常照。而有以通乎无極之真也。

頌曰。九玄功至一陽生。太極原爲衆烝根。含德嬰孩歸混沌。華通漸引入玄明。

玄契曰。洞虛清淨。玄舌華通。无礙无障。内外玄明。

化幽四章第二十三

元始天王曰。无極真仙機。

混元未判。謂之无極。乃成真修仙之樞機。

洞中保元烝

空洞之中。保合太和。渾然元烝。

正位左右仙

正位。丹成受職也。左右。輔弼之任。佐玉清以敷化者。天仙也。悟真云。學仙須是學天仙。

長生虛靈世

不墮輪廻。故長生。不染塵濁。自虛靈。

洞有五符籍

空洞之中。雖無五行之質。而自具五行之理。

玉宸得合一

玉宸帝君一炁鎔鑄五者俱化

魂生太无中

魂主動故曰生魂无其魂而太无即其魂也

魄受吾道密

魄主靜故曰受密微也魄无其魄而道即魄也皆與

道合真之意

從茲化幽无

四大皆空虛无為體

七炁永无滯

七炁滄唾津精溺血液也七者皆陰至此精化為炁
炁化為虛永无滯矣形神俱妙之意

靜真明至理

湛然常寂而靜至誠无妄而真明至理貫通无極以
入玄玄之境也

至老長不易

至老舉終身而言易改也一得永得即宣聖之七十
從心所欲不踰矩也

此章言无極之真混於大洞之中為成真修仙之樞

要人能返其本始。道合混濛。保含元炁。自然丹凝冲
舉。受職玉清。輔佐宣化。長生虛靈之中。不墮塵濁之
地。然空洞之中。至无而至有。五炁咸備。惟玉宸道君。
融合爲一。通貫無間。與道爲體。而魂魄俱化。四大皆
空。七炁无滯。湛寂真誠。貫通无極。妙臻玄玄之境。至
老不易。功至此。德隆道備。此帝君所以爲九天之司
命。萬化之主宰也。大洞仙經。始末俱備。體用皆全。單
謂其成功者。固非。卽單言其用功者。亦非。蓋帝君用
功之始。以至於成功之極。其中有言功用者。有言效

驗者。一節有一節之功。一節有一節之效。節節皆備。
處處皆通。惟在誦之者。隨處而體驗之可也。

頌曰。丹成何處覓天仙。空洞虚无妙自然。至老長存
明至理。真機混沌未分前。

玄契曰。洞真清淨。應變自然。道通長存。十方皆現。

結經章第二十四

玉宸道君。初定通息。太和一千。中觀變真。離相清塵。元
合五千。坐在立亡。大定全真。妙行通靈。初曰通炁。次日
通神。終曰通靈。萬通成真。道備登宸。超脫飛昇。過度三

界往來三清。正品大洞。天一帝尊。六度萬通。功圓行成。千和萬合。自然成真。

玄契曰。元始天王。爲玉宸道君。演玄批元。極始通終。自天及人。俾獲成仙。真要文也。學士誦之。悟入登仙。鬼神誦之。悟入登真。凡夫誦之。悟入長生。幽魂聞之。超脫更生。死厄聞之。度生天堂。枯朽老病。聞之。延津。嬰孺孩童。聞之。聰明。上士得之。飛騰玉清。位爲聖尊。與道合真。

大洞經總義

理有太極。是生兩儀。渾渾淪淪。本无涯際。語大莫外。語小莫遺。无終无始。周流不息。邈之先天。洞洞屬屬。陰中之陽。靜中之寂。火從水生。妙合而出。清濁高下。兩大乃闢。七日來復。三陽具備。理炁同流。誰能測識。惟人獨靈。乃窺其密。直探未有。混沌隱祕。二五真精。野馬奔軼。氤氳化醇。男女成質。惟天之命。於斯全昇。人生而靜。渾然畢具。虛而能涵。靈而不滯。以具衆理。以應萬事。始爲氣拘。繼爲欲蔽。內外交引。莫可紀極。漸牾真心。人道乃失。不遠而復。惟人自立。且氣須清。安心宜寂。絕其憧擾。中

乃寧謐。勿任其偏。勿徇其僻。發思中節。存養純一。心曲
難知。返照為急。時時喚醒。莫教放逸。念慮潛滋。檢察細
密。一私不存。眾善咸集。操持有功。神化玉室。聚精六合。
天君泰適。烝與神交。神與道契。物感紛乘。真性不失。定
則生明。明則生智。洞源洞微。叅透妙諦。回風混合。從心
不踰。長契一運。至老不易。先天後天。總歸太極。

示蒙偶吟二十五絕

一

為人須是識真機。妄念紛乘事事非。箇裡天心常體認。

落花流水與鳶飛。

二

靜則空明動則流。天心須向箇中求。陽生於復端倪現。
不盡珠光日夜浮。

三

月映波心萬派清。水天一色共圓明。靜虛識得本來樣。
自覺蟾光到處生。

四

心如穀種具生機。存則靈明放則非。欲識本來真面目。

一輪明月透疎幃。

五

生意融融春氣濃。鳥笙迭奏水鳴鐘。不須瑠瑤資人力。爛熳天真造化工。

六

轉盼春來忽又秋。真機活潑不停流。閒從川上淵源會。飛躍鳶魚大化周。

七

人禽相判應須知。站立關頭莫自疑。全受全歸爲肖子。

休教真種入污泥。

八

終朝逐物放心猿。誰肯回頭認故園。欲學收心無別法。能知心放卽還元。

九

念從熟處性從偏。一段靈明被物牽。喚醒主人翁。頻照察。防閑克治最宜先。

十

初念精明轉念紛。浮雲漸蔽起魔軍。關頭立定頻頻驗。

採藥爐中細細分。

十一

神本清明爲欲昏。無端憧擾似雲屯。澄源還自雞鳴始。且氣無亡植玉根。

十二

心作權衡萬事平。中多雜亂失真明。鑑空只爲無私照。養得心源似水清。

十三

本來無物亦無塵。明鏡高懸舊主人。元命自然生妙覺。

洞觀无礙識天真。

十四

精液流通衆妙生。命門謹守自充盈。火從水底圓珠現。光透泥丸照頂明。

十五

湧泉本與泥丸通。爲有魔軍隔萬重。斷絕六根成正覺。華池神水自相融。

十六

順則長生逆卽仙。河車搬運入丹田。醍醐灌頂真元合。

養就驪珠的的圓。

十七

血精未便是真機。中有驪珠照眼眉。玄息蒸通無障礙。神光一點落天池。

十八

血凝精聚結爲華。水火原來共一家。混合坎離成既濟。陰陽互宅是根芽。

十九

何謂先天與後天。箇中消息少人傳。太虛本體難名相。

存想何能合自然。

二十

結胎須是結真胎。一樹梨花火內栽。水裡藏金金化土。五行和合上龍臺。

二十一

立基不必在丹爐。一念融通卽太无。元父回明成妙道。空拳赤手握明珠。

二十二

靜裡閑存絕觀聞。太和流貫氣氤氳。百神混合三元會。

信手拈來已十分。

二十三

無忘無助是功夫。功至純時用力無。逸宅丹玄融太一。綿綿不絕見真吾。

二十四

玄息原從祖竅生。先天真種結胎嬰。圓珠寶映回風合。湛寂常明萬歲燈。

二十五

道原不息妄非真。息住胎凝入渾淪。離相清塵空一切。

無人無我亦無身。

文獻通考

卷九

三

--	--	--	--

人時...

